

GEFF O‘zbekiston - “Ipak Yuli” Banki II krediti

Mamlakat:	O‘zbekiston
Loyiha raqami:	53458
Faoliyat sohasi:	Depozitar kredit (banklar)
Bildirishnoma turi:	Xususiy
Ekologik toifasi:	FI
Tasdiqlanish muddati sanasi:	2022-yil 1-noyabr
Qaysi bosqichdaligi:	Tasdiqlangan
Loyihaning qisqacha mazmuni chop etilgan sana:	2022-yil 18-noyabr

Loyiha mazmuni

“Ipak Yo‘li” bankiga 6 million AQSH dollarining so‘mdagi ekvivalenti miqdorida birinchi navbatdagi kredit ajratish. Mazkur kredit mablag‘lari O‘zbekistonda yashil iqtisodiyotni moliyalashtirish mexanizmi (GEFF O‘zbekiston) doirasida ajratiladi. Ushbu kredit mablag‘lari texnik va moliyaviy muvofiqlik mezonlari asosida tegishli kichik loyihalarni amalga oshirishni ko‘zlagan maqbul sub-qarz oluvchilarga beriladi. Muvofiqlik mezonlariga ko‘ra, sub-qarz oluvchilar investitsion imtiyozlarga ega bo‘ladilar.

Bu kredit mablag‘lari milliy valyutada har biri 2 million AQSH dollaridan iborat ikkita teng transhda taqdim etiladi. Kreditning 1-transhi kredit shartnomasi imzolanganidan keyin to‘lanadi; 2-transhi esa, to‘lanmay turadi va faqat YTTBning xulosasiga ko‘ra taqdim etishi mumkin. Har bir transhning qaytarilish muddati uch yil bo‘lib, u tegishli to‘lov paytida yoki o‘sha muddatga yaqin sanadagi ayirboshlash kursi bo‘yicha AQSH dollarining so‘mdagi ekvivalenti miqdorida to‘lab boriladi.

Loyiha maqsadi

Bu loyiha “Ipak yo‘li” AITBga o‘z mahsulotlari turlarini kengaytirish hamda mamlakatdagi xususiy mijozlarga iqlim o‘zgarishi oqibatlarini kamaytirish va yashil iqtisodiyotga o‘tishni qo‘llab-quvvatlovchi moslashtirish texnologiyalari hamda xizmatlariga investitsiya kiritish uchun muddatli moliyaviy mablag‘lar taqdim etish imkonini beradi.

O‘tish davri ta’siri

Kutilayotgan o‘tish davri ta’sirining bahosi: 70

Loyiha yashil o'tish davri ta'sirining sifatidan unumli foydalanadi. U energiya samaradorligiga investitsiyalarni ko'proq jalb qilishga ko'maklashish va xususiy sektor sub-qarz oluvchilariga (masalan, yuqori samarali yashil texnologiyalar asosidagi va shunday xizmat ko'rsatuvchi korxonalar, yetkazib beruvchilar va sotuvchilarga) qarz berish orqali ushbu loyihalarning ijobiy ta'sirini ta'minlash orqali o'zbekistonda yashil iqtisodiyotni shakllantirishga hissa qo'shadi.

Mijoz haqida

“IPAK YO‘LI” AKSIYADORLIK INNOVATSIYA TIJORAT BANKI

“Ipak yo‘li” banki (IYB) KO‘BK va chakana savdo tarmoqlariga xizmat ko'rsatuvchi O'zbekistondagi xususiy bank hisoblanadi. Bu bank bozorda kuchli biznes dinamikasi va innovatsiyalar/raqamlashtirish bo'yicha jadal sur'atlarda o'sib borayotganligi bilan ajralib turadi. “Ipak yo‘li” banki aktivlar va kreditlar bo'yicha 2022-yilning 1-yarmidagi ko'rsatkichlariga ko'ra 21 ta xususiy banklar o'rtasida eng yirik 3 talikka kirgan (yoki barcha 33 ta bank orasida 13-o'rinni egallab) bo'lib, uning bozordagi hissasi 2% ni tashkil qiladi.

YTTBdan ajratiluvchi moliyaviy mablag'lar

6 000 000,00 AQSH dollari

Loyihaning umumiy qiymati

6 000 000,00 AQSH dollari

Ekologik-ijtimoiy xulosa

FI toifasiga kiritildi (ESP 2019). “Ipak yo‘li” banki YTTBning joriy mijozlaridan bo'lib, u YTTBning 2, 4 va 9-loyiha talablariga rioya qilishda davom etishi, YTTBga yillik ekologik va ijtimoiy hisobotlarni taqdim etishi hamda korporativ, kichik va o'rta biznes korxonalarini bo'yicha kreditlash hamda mikroretitlar uchun YTTBning ekologik va ijtimoiy tartiblarini amalga oshirishi kerak bo'ladi. Bundan tashqari, GEFF bilan bog'liq barcha qo'shimcha loyihalar GEFF bank siyosati tartib-qoidalariga muvofiqashtirilishi lozim.

Texnik ko'mak

“Ipak uyo‘li” AITB GEFF O'zbekiston loyihasi mexanizmini amalga oshirishni qo'llab-quvvatlashga mo'ljallangan texnik ko'mak majmuaviy paketidan foydalanish imkoniyatiga ega bo'ladi. GEFF O'zbekiston doirasida ishtirokchi banklar foydalanishi mumkin bo'lgan jami texnik ko'mak paketi 3,5 million yevroni tashkil qiladi. Mazkur texnik ko'mak YTTB Ta'sischilarining maxsus fondi (“SSF”), TaiwanBusiness-YTTB texnik ko'mak jamg'armasi (TWTC) va ilk o'tish davrida bo'lgan mamlakatlarda energiya samaradorligi sohasidagi dasturlar uchun Avstriya hududiy jamg'armasi tomonidan ko'rsatiladi.

Bundan tashqari, bu kredit liniyasida GEFF Bank siyosati tartib qoidalarida belgilangan darajalar va muvofiqlik mezonlariga binoan sub-qarz oluvchilarga investitsion rag'bat sifatida to'lanadigan, jami 660 000 AQSH dollari miqdorida hamkorlikdagi investitsiya grantlari ham ko'zda tutilgan. Hamkorlikdagi investitsiya granlari SSF tomonidan beriladi.

Qo‘shimchalilik sharti

Qo‘shimcha shartlarga quyidagilar majmuasi orqali erishiladi: (i) moliyaviy tuzilma; (ii) yashil iqtisodiyotni moliyalashtirishning innovatsion vositalari va (iii) me‘yorlarni belgilash.

(i) **Moliyaviy tuzilma.** YTTB hozirda moliya bozorida mavjud bo‘lmagan shartlar asosida mahalliy valyutada moliyalashtirishni taklif qiladi. YTTB kapital bozoridagi mijozlarga oqilona shartlarda taqdim etilayotganidan ko‘ra uzoqroq kredit muddatlarini taklif qiladi.

(ii) **Innovatsion moliyaviy tuzilmalar va/yoki vositalar.** YTTB bu moliyaviy tuzilmaga iqlim va atrof-muhit, ijtimoiy va boshqaruv (ESG) standartlari va/yoki iqlim hamda ESG bilan bog‘liq xavf-xatar omillari kabi jihatlarni umumlashtiruvchi innovatsion “yashil” moliyalashtirish vositasini taklif etadi.

(iii) **Standartlarni belgilash:** loyihalar va mijozlarga yanada yuqori standartlarga erishish uchun ko‘mak.

Kompaniyaga murojaat qilish uchun ma‘lumot

Dilaziz Sultanov

d.sultanov@ipakyulibank.uz

+998 (78) 140-69-43

+998 (78) 140-69-05

<https://en.ipakyulibank.uz>

O‘zbekiston Respublikasi, Toshkent shahar, Abdulla Qodiriy ko‘chasi, 2

O‘tish davri nima

O‘tish davri ta‘sirini baholash bo‘yicha YTTB yondashuvi haqidagi qo‘shimcha ma‘lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo‘lmagan masalalarda) hamkorlik qilish uchun quyidagi telefon yoki elektron pochta orqali bog‘laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o‘ting:

Tel: +44 20 7338 6794

E-manzil: procurement@ebrd.com

Umumiy ma‘lumotlar

Aniq so‘rovlar [YTTB so‘rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o‘zining “ekologik jihatdan mas‘ul va barqaror rivojlantirish” tashabbusini ilgari surishda [Ekologik va ijtimoiy siyosat](#) va uning tarkibiy qismi bo‘lgan loyiha talablari (PR) Bank loyhasini amalda qo‘llash tartibini belgilab beradi.

ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi murosani qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosati](#)ning loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.